

太上忠武關聖帝君護國保民寶懺

逍遙外史協化真官鍾卿雲敬撰

起讚

仰朝靈佑闕 稽首伏魔宮 赫赫瞻法象 奕奕樹幘幪

光輝同日旭 慈悲願海洪 普天沾聖澤 青黑氣成紅

大聖武威靈應大天尊 三稱

淨壇真言

壇因齋建 法物惟馨 天一之水 清潔無塵 楊枝灑遍

掃滌妖氛

淨意真言

道藏輯要

關帝懺

吳

柳集五

意為奔馬 起伏無端 芟除叢雜 百慮不干 上通下徹

葆我真元

淨心真言

心稱大體 百骸協從 天君能泰 動靜斯崇 莫云出入

職守靈宮

淨身真言

身能修省 許朝上真 齋戒沐浴 不棄惡人 磨光刮垢

被濯聿新

淨口真言

口轄喉舌 納燕融津 腥羶不剔 觸突真靈 菜根咬定

香發氤氳

淨目真言

日本靈珠 焉有糞糊 緣胸不正 遂眊居諸 一經拂拭 洗滌太虛

淨耳真言

耳無檢制 聰不如聾 聞聲牽引 物欲交蒙 主靜而虛 有感斯通

淨手真言

手司運動 焚燃為先 拜颺起舞 反覆靈編 勤行盥濯 灌海吸川

道藏輯要

關帝懺

卷

柳集五

淨氣真言

氣原太極 先天自調 躁妄則損 短歉匪高 一呼一吸 綿延斯饒

淨容真言

容以定命 對越宜莊 德隅抑抑 指視皇皇 不作跛倚 有聖無狂

伏以

元始開天為作佛作仙之祖四皇立極總大聖大法之宗先天 列聖歎莫能名後天諸真述靡有竟臣等恭藝真香虔誠上啟 清微天元始上帝

禹餘天靈寶上帝

大赤天降生上帝

彌羅天玉皇上帝

九華天后土上帝

圓曜天日宮鬱儀帝君

廣寒天月府結璘皇君

大梵天斗姥上帝

青華天九陽上帝

九霄天長生大帝

琅霄天昭化大帝

道藏輯要

關帝懺
五

北極天真武大帝

神霄天雷祖大帝

九炁天三官大帝

不驕天元皇大帝

扶桑天丹陵大帝

紫府天東嶽大帝

玉清天李佑上帝

周天河漢列宿羣真

四天門王八方真宰

悉仗直香普同供養

辛

柳集五
18文

正一天師清微弟子 洪百堅 製作

道教學術資訊網

臣等伏聞

協天大帝關聖帝君解梁呈瑞川嶽效靈生質本為天縱之才
誕時已布飛香之異午火支操純健戊干天定乾陽呱呱而貌
魁梧巍巍而超童稚鄉隣驚駭父老擁觀幼而孝慈長而英勇
遠解桑梓奮建勳名憫漢祚之傾頽勦黃巾之暴亂平吳削魏
虎步龍驤真靈綿亘古今浩氣充周上下綱常砥柱名教完人
是間氣之鍾英為生民所未有爰考生前梗概謹稽垂後威靈
稱讚靡窮皈依慕盡今者蘭場啟醮寶鼎凝煙恭對 靈壇同
思懺悔惟冀

聖慈俯鑒凡忱幽垂宏宥臣等不勝敬謹稱揚之至

道藏輯要

關帝懺
五

至

柳集五
川上二

至心皈命禮

太上神威英文雄武精忠大義高節清廉協運皇圖德崇演正
掌儒釋道教之權管天地人才之柄上司三十六天星辰雲漢
下轄七十二地土壘幽艷秉注生功德延壽丹書執定死罪過
奪命黑籍考察諸佛諸神監制羣仙羣職高證妙果無量度人
至靈至聖至上至尊伏魔大帝關聖帝君大悲大願大聖大仁
真元顯應昭明胡漢靈佑天尊

法眾稽首 皈命皈身

恭對道前 首揚精忠

臣等伏聞

漢祚將頽內臣亂政黃巾逞逆外鎮持權仗彼強梁董卓猶云
小醜貌爲仁義曹操實屬渠魁許田受萬姓之呼忍心罔上魏
公僞九錫之命厥罪彌天繫惟

聖帝殺賊未遂抽刀同博浪之椎從龍有懷切齒動奸顧之痛
建事昭烈兵戈水火備歷艱難聚散分離全無變易一身兼萬
千之眾矢志同金石之堅富貴不能淫允矣國士威武不能屈
誠哉丈夫堪同殷之三仁足並周之十亂臣等仰對
帝天捫心多愧從今懺悔伏冀赦除屬在含生均叨
聖佑

至心朝禮

道藏輯要

關帝懺

五

柳集五

三界伏魔靈佑協天大帝神威遠鎮天尊十拜

讚

伊周高並 千古精忠 魏魏帝德比蒼穹 萬世仰高風

稽式臣工 造就永從龍

大聖忠貫日月天尊三稱

寶誥一遍

精忠既頌 各勉循良

恭對道前 次揚大義

臣等候間

安宅曰仁遵道曰義慊心所集自克生生養氣漸充乃臻浩浩

然或是非未剖難言晰理之精信果預期終遜入神之詣予
不足以塞天地恢之乃可以昭古今繫惟

聖帝桃園祭社異姓聯兄弟之歡歃血尋盟同心篤友朋之敬
偕行同臥不離雁行涉險濟艱全無變志寄蹤孟德永懷顛沛
之季昆敝屣尊榮遂著乾坤之剛大五關行而志存求友古城
聚而歡勝同胞富貴不忘貧賤之交終身矢守初年之約是喻
義之君子同友仁之聖人臣等仰對
帝天捫心多愧從今懺悔伏冀赦除屬在含生均叨
聖佑

至心朝禮

道藏輯要

關帝懺
五

三

柳集五
川文二

三界伏魔靈佑協天大帝神威遠鎮天尊十拜

讚

養成浩大 氣烈古今 超然一綫挽千鈞 義集氣常伸

配合乾坤 吳魏一時吞

大聖義高華嶽大天尊三稱

寶誥一遍

大義既頌 各勵修持

恭對道前 三揚高節

臣 等伏聞

賢愚忠悖別於一心禍福死生存乎大節中立不倚貴宏毅以

宅裏與確無難歷艱貞而愈厲然或稍爲威挫居恒之風烈矣
存隱爲利回夙昔之真操頓失惟卓識迴超乎儕輩斯定力悉
鎮以從容繫惟

聖帝初罹陷阱虎狼蝟蝮挫其鋒繼托權豪靡麗紛華惑其志
叔嫂流離而共處奸瞞羅網而安逃乃能身任干城斧斨不畏
心同鐵石淫樂弗迷一部春秋秉燭通宵而達旦半生肝膽指
天對證而靡他張遼之說不行操賊之籠失計如山如阜擬玉
擬金視彼奮不顧身僅成激烈惟公貞而克保乃曰堅鋼臣等
仰對

帝天捫心多愧從今懺悔伏冀赦除屬在含生均叨

道藏輯要

關帝懺

書

柳集五

聖佑

至心朝禮

三界伏魔靈術協天大帝神威遠鎮天尊十拜

讚

主持名教 躬作干城 千磨百涅任交爭 永矢志堅貞

緇磷無形 堅白匹大成

大聖節圓金石大天尊三稱

寶誥一遍

高節旣頌

各矢堅貞

恭對道前

四揚清廉

臣等伏聞

龍可以豢祇緣待食於人虻可以風端在無求於世一弓射戟
趨羣亦冠羣英三姪貪人身敗終成敗類總因貪而不潔遂至
濫而多污繫惟

聖帝潔同荆玉芳並湘蘭金印裹封視如土芥玉堂疊贈直等
牛毛饋馬意在見兒拜使所以酬惠奸錫徒為貨取弗受正以
葆真緬想棄操遠行奚囊似水封金如故與魏長辭亘古未有
之貞千秋僅傳之潔高風常流天上美德永炳人間 臣等仰對
帝天捫心多愧從今懺悔伏冀赦除屬在含生均叨
聖佑

道藏輯要

關帝懺

五

柳集五

至心朝禮

三界伏魔靈祐協天大帝神威遠鎮天尊 十拜

讚

塵氛不染 清潔無瑕 任他春草鬪繁華 相對盡虛花

利欲紛拏 何弗謁公家

大聖廉清江漢大天尊 三稱

寶誥一遍

清廉既頌

各淨紛紜

恭對道前

五揚英文

臣等伏聞

十六字傳心簡而有物五千言著道繁而非支輿稽漢代前後
彪炳文章東西輝煌詞賦然而才不善用德亦終慚所以陳壽
淹通居喪蹈吳揚雄美富事莽終疏是爲史筆之差未免才人
之玷繫惟

聖帝忠義融爲經籍春秋佐其閔深再上操書魏丞相悉心聽
命一回肅啟吳都督奪氣改容筆札美不勝傳宣揚口多漏義
無文之文禮樂其體大文之文金玉其相詞不涉於莊騷才更
超乎班馬臣等仰對
帝天捫心多愧從今懺悔伏冀赦除屬在含生均叨
聖佑

道藏輯要

關帝讚
五

卷

柳集五
川上三

至心朝禮

三界伏魔靈德協天大帝神威遠鎮天尊十拜

讚

哲人非偶 別具靈通 雕蟲鉅技豈稱宏 英睿藝偏工

語越凡庸 經緯迪羣蒙

大聖文昭炳蔚大天尊三稱

寶誥一遍

英文旣頌 各澤詩書

恭對道前 六揚雄武

臣等伏聞

匹夫按劍自謂無前俠客抽刀徒然罔濟荆軻踐諾猶是雞鳴
狗盜之流豫讓捐生僅傳慷慨激昂之事不可云武豈曰能雄
上溯商周之君兩膺大武之號信知奮揚威烈應獲美謚褒嘉
繫惟

聖帝單騎而踰險隘五關伸斬馘之威隻身而會襄陽三吳裂
鼠狐之膽蔡陽授首鼓則甫褻文醜就誅刃當初接英風無敵
精銳誰當惟大勇之養成斯武威之不振震華震夏非徒力蓋
乾坤至大至剛早已氣充道義豐功久垂悠遠指數何止髮毛
臣等仰對

帝天捫心多愧從今懺悔伏冀赦除屬在含生均叨

道藏輯要

關帝懺

五

柳集五

聖佑

至心朝禮

三界伏魔靈祐協天大帝神威遠鎮天尊十拜

讚

雄標涿郡 虎鎮江湘 匡扶漢祚固苞桑 威德總難量

裔裔皇皇 千載戴荆王

大聖武震風雷大天尊三稱

寶誥一編

雄武既頌

各振委靡

恭對道前

七揚妙智

臣等伏聞

愚者昏昏心同砥石濁者汶汶性塞靈關間有子智自雄未能
沈機觀變權殃文種去後其時稱傑范增事非其主孰則瞻雲
就日文明上協重華俯察仰觀淵照下方諸葛自非智周萬物
鮮克神妙一心駭懼

聖帝外則貌如太乙內則洞若觀火運籌莫測經畫有方樹烽
臺百里相接吳兵莫能窺伺決漢水七軍盡汨魏將竟入網羅
口不談夫孫吳謀則妙乎旋轉靈機抽鬼谷之緒坐照類子房
之神變若神龍明同卦德臣等仰對

帝天捫心多愧從今懺悔伏冀赦除屬在含生均叨

道藏輯要

關帝懺
五

奏

柳集五
川三文

聖佑

至心朝禮

三界伏魔靈符協天大帝神威遠鎮天尊十拜

讚

如神坐照 舒軸往來 隨機應變是天才 法慧總能開

灼灼靈臺 煙草不須埋

大聖智應北斗大天尊三稱

寶誥一遍

妙智既頌

各迪愚迷

恭對道前

八揚神威

等伏聞

聖不可知爽著洋洋之盛誠不容揜望垂赫赫之光惟多於取
精斯宏於用物在昔伯有作祟且克為厲乎人申生召車豈其
巫言不驗然而氣不凝於貞固散則倏爾飄揚繫惟

聖帝威鎮南吳北魏神周五嶽三天親炙者俯首羣欽威能攝
眾聞風者感懷共戴德有難忘療臂憑醫血肉流而笑談自若
升遐復位精靈結而鬚髯猶生斃呂督於樽前梟馬忠以冥劍
聆禪機於普靜解悟而得神通顯變化於玉泉皈依而成護法
生則忠君扶漢烈地轟天歿仍輔國救民成真證佛分明臨之
在上質之在旁誰謂聽而不聞視而不見臣等仰對

道藏輯要

關帝懺

五

柳集五

帝天捫心多愧從今懺悔伏冀赦除屬在含生均叨
聖佑

至心朝禮

三界伏魔靈祐協天大帝神威遠鎮天尊十拜

讚

神周萬國 威著三天 上司下轄普無邊 九土仰威嚴

赫赫炎炎 俎豆永綿延

大聖威垂今古大天尊三稱

寶誥一遍

神威既頌 各策沈昏

恭對道前 終揚護國

臣等伏聞

冥悟談空僅襲釋門之貌召雷布炁何關道法之良蓋第枯寂身心未曾施恩民物縱使陶鎔性命初無裨於國家如來光照皇圖到處和風甘雨

玉帝保茲天子時呈瑞日卿雲眷顧人王功斯浩蕩繫惟

聖帝以漢末之精靈綿累朝之庇佑盛事已傳往昔神明更著今茲勦除寇賊和鸞響徹天階保障江淮泥馬鞍存濕跡災劫寬而大生億兆豐都治而盡拯窮魂攝祟宮中曾在景雲之歲飛鸞天下早傳政和以前河海承風鮮恣泛濫嶽山聽令不作

道藏輯要

關帝懺

卒

柳集五

聖佑

至心朝禮

三界伏魔靈祐協天大帝神威遠鎮天尊 十拜

讚

文昌孚佑 三聖通靈 雲中赫赫現真形 護國盡干城

崇祀明禮 天勅度羣生

大聖護綿國祚大天尊 三稱

回向

臣等謹遵玉局之科共仰

金容之降巍巍乎帝心常鑒蕩蕩乎聖德難名雖極同聲讚揚
不啻如其口出究之賦性庸陋終有歉於身修今既恭對
帝前披肝瀝膽自當勉旃聖學刮垢磨光弗敢營念於禱祈惟
願神明其昭著倘能得叨

帝眷共沐鈞陶祛物欲之魔懋修厥德矢奮興之志力渡迷津
從此勿二勿三自克中規中矩秉忠守義植節修廉化弁鄙而
文振委靡而武智圓罔陷威立靡摧托庇 皇圖永懷保護相
率勉爲善類無非荷我 天恩大矣至矣堂哉皇哉稽首皈依
咸蒙覆幬

道藏輯要

關帝懺

全

柳集五

臣等不勝叩送

龍車頂禮酬恩之至

收讚

九章致敬 諷誦輸誠 匹夫愚婦荷生成 朝禮總真誠

待澤殷殷 天赦儼聞聲

大聖錫福除罪大天尊 三稱

太上忠武關聖帝君護國保民寶懺 全

廣化弟子惠覺校訂